

嘉義个媽祖婆

嘉義古稱諸羅山〈山歌仔〉

甲：你唱麼个歌，恁好聽 恁沙鼻哦

乙：捱唱山歌，歌詞係講嘉義古稱諸羅山

甲：麼个呀！諸羅山

乙：阿公識講過嘉義頭擺按到諸羅山，已經有三百零年个歷史，又按到「桃城」

甲：唉唷！阿公當有學問哩！

乙：對啊 對啊 阿公又講嘉義係好所在，捱一條一條講分聽

甲：你阿公當慶哦！

乙：毋單淨恁樣，阿公講个故事跟客家人有關係

甲：係 唷

乙：阿公識講過荷蘭人占領台灣在嘉義有做一個水庫，按到紅毛埤水庫，就是這
下个蘭潭水庫

甲：真識，捱阿爸識帶捱去鹿寮客家庄聊，有看到菸樓、伯公廟、夥房屋風景慶
靚

乙：對啊 頭擺桃竹苗个客人來到嘉義，就在紅毛埤歇下來，紅毛埤就係嘉義个
鹿寮客庄。 還有一個地方頭擺撈客家人做事頭有關係个地方你知麼

甲：捱想看阿唷

乙：捱看你想不出來，捱來講分聽。

甲：好呀 好呀

乙：佢跟阿里山鐵路有關係

甲：哦 北門車站附近對嗎？

乙：按慶哦！ 分揣到咧。阿公講頭擺做阿里山鐵路，有盡多个客家
人共下打拼，鐵路做好留下來歇，所以嘉義也有盡多客家人

甲：接下來阿公還有講麼个故事

乙：有唷 你聽喔 你知道嘉義最大條个路嗎？

甲：好！好！捱想看哪

乙：想無到係毋 阿公講个條路係紀念偉大个許世賢市長來按名个

甲：啊！ 世賢路對麼？世賢路項還有世賢圖書館 撈世賢國小

乙： 對呀 對呀 那就係紀念「嘉義个媽祖婆許世賢博士」

甲：啊！佢跟客家人有麼个關係

乙：阿公講許博士係客家心白，老公係溪口个客家人張進通博士，佢等係一對博士醫生醫術高明又慶又好心， 聽講對窮苦人沒收錢

甲：這真是係客家人个光榮，做麼个又喊許世賢博士「嘉義个媽祖婆」

乙：个你就不知，許世賢博士係推動台灣社會民主運動个細妹代表，兩位女兒張文英、張博雅也係嘉義市市長這下做監察院長

甲：恁登真个家庭

乙：許世賢博士毋單淨做醫生救人，佢有盡多个第一：佢係第一位留學日本个細妹醫學博士、 台灣第一位婦女會理事長、第一位細妹做中學校長

甲：啊！那間中學个校長

乙：个就係嘉義女中

甲：還有麼个第一

乙：有 聽好哦 第一位細妹參議員、第一位細妹市長、連續做四屆台灣省議員、最高票當選立法委員。

甲：恁慶哦 恁得人惜！捱想嘉義人儕儕盡懷念許市長

乙：係呀 許市長佢「煞猛打拼、清廉、愛百姓、嚴格做事」分市民阿腦，大家人喊佢「嘉義媽祖婆」

嘉義歷史三百年 民主聖地最有名

嘉義嘉義好地方 還有嘉義媽祖婆

承蒙大家 恁仔細 正來聊